



Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 3. Quændonam in peste excusetur ab audienda confessione aliquorum?

urn:nbn:de:hbz:466:1-37144

R. S.
Trabili
Poenit.
E. M.
74

tæ, vel aliud grave damnum. Laym. Palaio ll. cc. Dian. p. 5. tr. 3. Ref. 74. cum aliis apud ipsum. vide sup. l. i. p. 3. n. 61. Unde jam VII. si æger in eodem conclave cum aliis decumbens velit ipse illis audiendis publicè confiteri. Sacerdoti, propter periculum contagionis remotius distanti, potest id licet facere, proferendo tamen unum tantum, vel alterum peccatum levius, quod nec ipsi infamiam, nec alias scandalum, nec ulli dampnum pariat. Atque hoc ipsum etiam ei suaderi potest, quando præsens est contagionis periculum; & post mortem illius Sacerdotis non haberent alii facilè copiam Confessarii. Potest enim cum hoc suo incommode velle servare vitam Sacerdotis tam necessari. Quodsi vero nolit, non est multum urgendum. Cum enim hic & nunc teneatur confiteri; non autem teneatur alio modo confiteri, quam quo Christus instituit, nimirum secretè; hoc ipsis etiam non tenetur per publicam confessiōrem impedire periculum Confessarii, & aliorum.

§. III.

*Quandonam in peste excusetur ab audienda confessione ali-
quorum?*

125. VIII. Ipse autem Parochus, vel ejus loco substitutus alius Sacerdos, quia, si in aliquo pago vel oppido pestifero sit solus, cavere debet, ut dictum est, ne, dum unius non graviter indigentis spirituali utilitati consulere intendit, plures alii ex ipsis morte graviorem spiritualem jacturam patiantur: ideo non facilè debet ministrare cum vita suæ periculo Sacramenta, quæ vel secundum se non sunt admodum necessaria; vel respectu perso-

narum, quarum bonum statum probabiliter cognitum habet, ed quod nuper (hoc est non pridem) earum confessiones excepterit. Quotiescumque ergo probabiliter sibi timerit periculum contagionis ab aliqua persona, quam verisimilibus conjecturis credit, vel non habere conscientiam peccati mortalis, vel per perfectam contritionem rectè ad moriendum dispositam esse, majus bonum publicæ necessitatis preferendum est utilitati alicuius privatæ personæ. Ita optimè Laym. lib. 2. tr. 3. cap. 3. n. 3. V. *Cavere.* Iisdem verbis docet hoc etiam Barbos. de off. Parochi. p. 2. cap. 17. n. 15.

Eandem sententiam dicit Tan. tom. 4. Diff. 7. q. 1. n. 62. esse probabilem expressis his conditionibus. 1. si Parochus moraliter præsumat, & pro certo habeat, ægrum esse bene dispositum. 2. si Parochus magnum & moraliter evidens vita periculum inde immineat; & 3. si solus fit; nec spes fit, post ipsius mortem facile posse alium haberi. Agit quidem Tan. ibi tantum de Extrema Unctione, sed sat's indicate, se sequi Suarezium, ita de Sacramentis in genere loquentem. Ade & Filliuc. qui apud Dian. p. 5. tr. 3. Ref. 93. ait, excusari Parochum à ministracione Sacramenti Poenitentia, quando certus esset moraliter, infirmum non habere conscientiam peccati mortalis, & alioquin periculum vita magnum esset ipsis subeundum.

Observa autem hic, quod Tannerus velit, periculum Parochi debere esse moraliter evidens; & Filliucius cum illo velit, de bono statu ægri debere moraliter certò constare; sufficiat tamen juxta Laym. & Barbos. si Parochus periculum proba-

bilis-

bilissimè timeat, & bonum statum ægri ex verisimilibus conjecturis credat: quodque Filiuc. absolute loquatur, sive Parochus sit solus, sive non; sive post illius obitum possit haberi alius, sive non.

Ex his facile colligi potest, an & quo modo Parochi, eorumque substituti tenentur alia Sacraenta pestiferis administrare; sed quia de iis agere non est nostri instituti, plura nou addimus. vide Dian. p. 5. tr. 3.

ARTICULUS II.

De obligatione Confessarii Pœnitentem instruendi.

126. Confessarius non tantum gerit officium Judicis, sed etiam Doctoris; ideo obligatus est pœnitentem ignorantiam aliquam damna laborantem instruere. Potest autem pœnitens vel ignorare ea, quæ sunt credenda, & scienda; vele a quæ sunt agenda, & omittenda.

§. I.

De rebus Fidei.

Si signoret, quæ sunt de necessitate mediæ explicitè credenda, debet Confessarius de iis illum instruere, quia antè non potest validè absolvere, cum adhuc fide careat, sine qua impossibile est, placere DEO. *Hebr. ii. v. 6.* De necessitate autem medii juxta communiorum D. Thomæ est jam in *Lege Gratiae* explicitè credendum Mysterium Trinitatis, Incarnationis & Redemptionis; juxta alios non paucos, nec improbabiliter apud S. v. *Fides*, n. 1. & *Tan. tom. 3. Diff. 6. q. 7. dub. 2. n. 44.* necessarium censetur tan-

tum credere explicitè, quod DEUS sit, & quod remunerator sit, præmia justis, pœnas injustis decernendo, & implicitè reliqua, seu quidquid credit Ecclesia, vide *Tan. cit. dub. 2.*

Ut ut sit, Confessarius rectè presupponere potest, quemlibet inter Christianos educatum, & annos discretionis adeptum scire saltem id, quod posterior sententia habet tantum pro necessario; & si quem advertat ignorare, potest facilè tunc statim ita eum instituere, ut sufficienter intelligat, & vera fide Divina credat; hoc est, ideo illi articulo assentiatur, quia DEUS, qui est æterna & infallibilis veritas, per Ecclesiam revelavit.

Sed neque difficile putat *Tan. l. c. n. 48.* cum aliis, hominem pleno rationis usu præditum etiam desuprà dictis tribus Mysteriis ita edocere, ut brevi confusam aliquam, sed tamen veram, de iis notitiam concipiat, & quoad substantiam intelligat, credatque, quod sit DEUS Pater, Filius, & Spiritus Sanctus; hi autem tres non sint tres Dii, sed Unus DEUS; & quod DEUS Filius factus sit etiam homo, humanumque genus per Passionem ac mortem suam redemit ab æterna damnatione. Eum autem, cui nullus verus sensus horum Mysteriorum in generari potest, ait *Tan. l. c. n. 49.* esse quoad hoc infantibus & fatuis accentendum.

Quod si pœnitens igrioret tantum alia Mysteria in Symbolo Apostolorum contenta, vel nesciat præcepta Decalogi & Ecclesiæ. Orationem Dominicam & Angelicam, spectantia ad pie suscipiendum Sacramentum Eucharistiae & Pœnitentiae, ac similia, quæ pro suo statu ex necessitate

K 3

cessitate